



雲

黃

集

詩

玖



雲黃集卷之二十四

穆陵傅國鼎卿著

詩

庚午

紀時二首

今年天氣乖春半  
河猶凍日光常似  
繡花  
色不能弄  
籬頭  
簾箔  
發林表  
瓏鬆  
重不知  
天地心  
重閉  
憂寒中

崇禎庚午春風霾頗堪異首尾三月中不  
餘分天地屈指數清明清明後轉劇慘  
對身蒙隱之山形蔽冥之合夕陰隲之含  
今日曉詣識隣村微茫認來騎物色疑  
中人影杳雲際黑入花銷紅白吞柳失翠  
天鼓似頽墻墮星時寶石氣感燭無光精  
鬱人多噀長者黃霧塞飽見赤雪膩蕭瑟  
尋春興憂虞籌國意言青或言祥書

以徵來事

重入快哉亭

一別吾廬三十春一村無復舊時人  
半破還相待殘墨壁間似昨晨

三月十四日偶出暗綠霑衣片紅莫  
睹於兼合水濱忽見文官花三株老  
幹虬枝粉紫萬點儼雅相對幽獨待  
人感而賦之

不覺春已盡花與尚蕭然始因風靈帳中  
更世務奪令衰翁清寒吾心亦偶閒出看  
萬綠驕始知紅紫闌矣見文官花三對對  
爛斑點點應堪玉斂吐絳烟服物朱銀  
雜采章蒼水間三台香捧日列宿爛輝天  
高雅香凝桂蕭疎意欲仙端坐似待我不  
共百花殘孤踪誰為賞盡日照空山愛惜  
不離去萬感來暮顏悔不携杯酒與爾罄

一歡

宿環中小舍

夜半微風作山庭涼月澹猩紅  
孤犬聲靜影西村暗

幽石

半畝方塘開鏡面邊垂柳放衙閒  
花自落幽石白鳥孤眠淨沙不  
襪不中來往半醒半醉敲斜  
經年人跡不到坐久飛來  
古霞

四月十九日送舍弟雷

漸老難輕別憑高一送君人從山嘴去水  
向嶺頭分遠岫街孤對長天隱片雲依微  
望欲斷獨立醉斜曛

盤江別墅

水作龍身盤山作龍首俯幽人乘興時一  
筇臨烟雨

哀王康成太學二首

東西幾載憶橫經垂白誰知死孟青翠羽  
固宜采不慕鴻飛何得任湛冥萬人慟哭  
天無眼二憾歡矜錢有靈最是冤魂紅石  
下天陰雨濕不堪聽

二憾其辭也紅石山太學葬處

神明天道竟何如何事隱居併就屠豈為  
交情連叔夜祇緣財患利齊奴黃昏小紙  
催新鬼白日梧丘嘯若鳥應恨人間無白  
皂直排雙闕叫無辜

皇直宿桓臺洪福寺

黃昏問宿來山寺微徑幽通小閣重忽憶  
前身曾到此回廊依約舊雙松

聞阿叔金吾茂才亡後降魂其家處

分家事甚悉話其生前秘藏人未

之知者詩以度之

萬事已捐歸去後清風應識本來虛人間

阿堵關何事猶復乘鸞馬話有無

病中夜起

西崦月欲落如豆一峯小深對靜無風晴

雨來天杪

卧病有跋

卧病更深氣若絲想起花樓卧理時  
時時風

時雨家以急四野鐘鈴震古祠

病疴經旬忽憶令咸平時亦曾偶爾

咸平童謠有云傅爺病萬民苦叫天

雲黃集 卷之二十四 詩  
地呼父母傅爺痊萬民舞執天風旱  
天雨傅爺好無能數不問罪不催租  
刑從寬威不怒其餘不能悉記至家  
家齊出禱神祈余速安一時祠廟喧  
然鐘鼓之聲百里相接今自呻吟床  
褥悄然孰關感念彼中民情乃不啻  
西郊膝下兒

題穆陵關後常將軍廟 有跋二段

半嶺陰崖石廟幽茫々陳跡二千秋古  
無徑誰曾入力疾披榛我躬遊風雨無  
身是鐵滄桑歷者世如漚只今四海為  
室應悔長城枉築愁

常將軍相傳是督築長城將軍暴  
死此廟貌至今雖居道左而懸崖  
草石亂苔封知名利之跡不至矣法  
像鐵鑄特為一異穆陵長城乃齊威



王築以界齊魯者非始皇長城然始  
皇長城備此矣役始周顯王庚午將  
軍之卒必是歲也迄今凡為庚午者  
三十有四歲復其始而始得余來吊  
之二千年之幽跡僻踪初闡也更  
一異

唐沈亞之沂水雜記稱沂水北百里  
有將軍峴甚靈民置祠路左將軍

為五姓收姓常名玄通因築城失主  
將意斬之其屍數日不仆即其地號  
曰玄屍臺不著年代齊記補稱將軍  
以秦昭宣帝時為大峴戍主建元中  
戰歿後人立廟此山兩說不同考秦  
昭宣帝即符堅也建元堅年也記又  
引晉孝武太元九年謙玄乘秦亂遣  
兵攻青州降之堅之建元二十年也

斷以將軍為堅戍此而死玄兵也史  
稱謙玄之降堅青州崖畧語耳按十  
六國春秋是年晉遣淮南太守高素  
伐青州堅青州刺史符朗即號知味  
著有符子者遣使詣謝玄於彭城求  
降是玄兵初未及青境也將軍何以  
死哉且堅境盡青徐兗則大峴而南  
極彭城皆堅守也而何用戍守大峴  
自築長城圍之如曰非以築長城死  
則長城之故跡猶宛々天際也故余  
直據亞之以齊秦之長城最顯見者  
為斷寄况築愁

穆陵關前漢壽祠小憩

憶歲丁未小有憂過此卜神南國遊意欲  
飄然成長往一鶴天飛遺塵網神之告我  
曰無然紫泥方下九重天浮雲廿載

天邊事具寫二十有八字只今兩鬢已霜  
花滿眼春夢覺來山日晚鷄肋已嘗果何  
味年腸盡歷幾不免鷄棲之車狗樣馬偶  
來重拜雙松下羸步蹣跚專欲歎病骨支  
離無一把山風吹雨來颼黃草蒼烟一  
片秋似是海天之千峰萬壑為予徘徊含  
怨戀雲閣兩徒使塵昏一百州倒思往事  
倚闌樓何如當年去便去較紅如雪不到

茲萊路多却漫郎遊一度羸得田荒徑蕪  
却來歸老對婆娑淡對落暉夢魂每向燕山  
繞秋草陰憂胡馬肥片時小憇廟門裏猶  
羨孤鷺自在飛

時適有鷺翔集前山崖谷  
上下心甚慕之

送張昌樂公玄思靈輜歸葬崑山至  
穆陵關外鷄酒薄祭無別遺孤立純  
七月十三日也細雨哀颼寒雲衰草  
蕭然孤襯無荒無柳帶嶼山谷間丹

再漸遠不任魂傷賦二律志哀玄思  
用南宮高第令昌樂總六月也弟泰  
符余同年進士雖誼聯友于然交無  
半而慕其德政超然一時為鷹鷂中  
鸞鳳故有是後純孤如玉其人禮儀  
卒度有子如此死可矣

其一

灑酒別君大峴物同心終始付神交雲間

山見令公玉雨近藉流孺子茅明月未沉  
丹浦浪清風猶落碧松梢喜傳新事首陽  
側幾處祠堂祀老包

首陽山在昌樂上有伯夷祠所謂  
北海之濱也

其二

穆陵山色入新秋長別吞聲古戍頭不是  
獨賢空北海誰其未面走南州蕭蕭雨灑  
傷心淚淼淼雲彌遠望愁稍喜扶輜孤鳳  
在重來還駕八鸞遊

行田合水西澗深對清流愛翫移日  
固知會心處正不在遠

幽岷背古村十步輒一曲上有橫欹柳倒  
覆青天綠下有仰出泉懸瀉寒空玉受日  
搖金鎖入風飄翠幅似幕藹輕烟如縷來  
清馥空遊魚無依星爛沙可數解衣坐柳  
腰俯瞰千峰繆手酌飲其漣乾坤在一掬  
悠然明鏡中不忍濯吾足

會青登萊分以可參知戴紫雲鉅昧水

上

今日何日日淒淒涼颼灑灑孤鴈啼此地  
何地具水上雲臺往跡風沙蕩所思何意  
從天下班荆悲喜淚交瀉却意向來春夢  
中會合多有如此者每恨風吹語未聞得  
無此會亦夢也倒數別來十餘載滄海桑  
田改復改屈指二十四人中相望何止寧

千倍升沉顯晦且休論多少綠衫已不在  
拈鬚細看誰白多有志未酬柰老何君畫  
麒麟已八九蛾眉之嫉再掣肘方叔曾經  
北伐來汾陽已渡東都後况當烽火微  
泉急詔將軍屯細柳早晚視師須晉公第  
一之功復何有國也歛時命紙薄到處雷  
轟薦福落無端憔悴走風塵正待綠衰與  
青蕭環堵倩雲山得朋競烏鵲嬌兒惡對

怨秋風老妻未飯泣霜藿低頭每媿少年  
時錯比韓歐與李郭漫將整頓乾坤一片  
心閒揮不律付空託對君重一叙生平似  
話忽荒隔世情記否當年雲間館鎮日語  
樂自天明並榻閒看磚過日散步同聽鳩  
喚晴話來不禁涕語升半吞半咽中難竟  
擎杯相顧百感橫晚風吹對雨蕭蕭半邊  
日曳峴山搖幾迴分手不能拋且渡小三

臨河橋橋下之水滔々去雙手試挽住不  
住願公好佐 聖明君我將戲釣珊瑚對  
水邊應記相逢處帶病時々多誤語

向夕吟有序

邑令入中央譖欲殺一無辜富室子  
趣獄監一夕盡之獄監不能忍盛饌  
具痛飲之令大醉乃投以土囊也

向夕草々具盤餐勸君一酌鬼門關好從

醉裏別人世休問此行還不還

李衛公祠臺送通許門人張郁然首

祠前臨溪水  
有松竹之勝

送子臨溪水東西從此分殷勤重執手諱  
海更論文別意留霜竹贈行持嶺雲預愁  
風雪裏一騎悵離群

陳跡十年往故人千里來一杯今又別何  
日酒重開共有松風戀無如竹影催行

已解袂隔水復徘徊

出寺頭谷中

月夜紅雲谷微醺酒乍醒石瑩一徑白松  
卓半山青風遞笙簫合烟含樓閣冥却愁  
山路盡憑軒步以停

月夜泊雲陽別墅

二首在沂山南谷中

月出衆山白夜行孤客清投人喜犬吠穿  
樹惜禽驚亂石村無路斷崖水有聲閒思

千萬古此應不知兵

待月幽石上月吐斷山口浩然霜氣中

見群峰首乍飛鳥驚錯恠鹿朋吼微

混沌分稍以形影耦岨瀑落星河風葉飄

瓊玖隔水問山村白雲有鷄狗

小酌別通許張生和璧話往悽然併

寄張周冕醒玄諸丈

二首

十年一見復匆匆尊酒明朝西又東重數



當年遮道別黃河天半水雲中

并州往事不堪談為夢為醒訖未察長憶

攀轅五百里雪中分手白樓南

濟寧有太白酒樓

風雪行送郡伯汪歲星入計

野亭薄暮海雲惡風舞雪濤連瓦落天衝

地擊殺氣號鳥絕人斷寒威虐黃煙森

五岳奔白沙滾四溟躍渾迷東西不分

霄壑迴旋簸蕩暝謁飄忽似有萬馬盤空

群龍戰野浪作鼉鯨陣排鵝鶴千形萬狀

出沒而紛泊有頂雲擁紫馬來絳蠟燭天

天為開相逢一笑春風迴倏忽千樹萬樹

紅紫發繡頰錦茵照我寒燈祖帳之離杯

却憶昨冬事堪笑訛言浪說白蓮教恰當

烽火照長安菜子潢池又驚爆天日正慘

烟塵竟消息亂鼓風鶴鬧一二少年頗急

功依樣同人轉相効是非孰為別二虎威

名爭欲齊三豹不知奇貨落鷹狗報讐罔  
利無不有中山闔城為羊羹渭城雙棄緣  
杯酒何不早散及黃門中心藏之成白首  
城門晝閉不通人城上民兵如雲屯縣官  
却張兩翼出左右甲光射曉曠絳帕雙前  
僧子手血刃縷滴殺人痕灰者如山積道  
左無足無手腥風昏生者如兔追犬後棄  
妻棄子并之胥他年輻湊千家市一夕響

滅但空村鳥啄人腸掛枯樹啾啾猶訴  
死鬼可憐一路火焚崑吾人不如鷄與豚  
注公雙節從天下一切講張皆報罷豪奪  
從此無顏色童叟重來舞桑柘亦如今宵  
風雪晦濛中一語青空旭日乍半歲之中  
已如此以浚益知如噉蔗明年王春大計  
吏帝親延見問吏事公無一物持朝  
天但將兩袖清風至借問計吏如君幾眼

中一人而已矣國也深山麋鹿友不向人  
間十載久名非夜靜逢祖榮那得谷間出  
耶叟只今四海尚風塵願公畢力佐維新  
野人未伴王生醉臨行聊獻四字箴次者  
明法首知人

夜歸

一騎隨意出敝獵南山下山齋酒熟時風  
雪人歸夜

松雲館二首

愛殺松雲墅雙松十畝陰白日長風雨能  
清俗客襟

栢暗草堂深幽々一道院無風時颯然天  
香如流霰

雪夜旅次題主人雙梅

征途入夜風雪惡眉髯冰華款々落望火  
急扣居人門如笠把茅道堪看  
不期誤入

雲黃集卷之二十四  
桃花洞熏爐錦帳雙鈎控如玉槎頭初出  
溪撲鼻香雲新開甕屏間隱出兩株梅淺  
白輕紅相映開取次仙風來群玉重疊雲  
影上瑤臺宛在散花天女掌左迴右向神  
皆爽乍忘雪虐風饕簾外寒一了千愁萬  
念心中想狂歡一酌還一歌人生快意遑  
知他浮雲悠悠隨所至一咲羅浮夢中事  
雲黃集二十四卷終

雲黃集卷之二十五

穆陵傅國鼎

詩

辛未

正月十一日如沂水旅途大雪馬上  
口占用歐令飛白字

邑野迷無路乾坤暝不分馬如浮海浪人  
似駕空雲點翠明崖栢飄青颭水芹夜來

堪極目萬點落花紛

夢中題

幽幽山院窈窕花籬栢溪浚浚圃鹿滿前畦

豐碑顏跡新榜邢題糟床雨細茶竈烟霏

香颺清骨流雲濕衣竹翠滴桂韻遲

俯池晞髮選石題詩不知所至愴然移時

偶憇傅中牟念源松亭題壁有跋

派別一源浚神交舟載中我來君已往洒

淚寄松風

棣州之傅實余同宗方其盛時兄弟

登朝籍者一時三人余以一孝廉躋

不欲附也洎余登朝則是兄弟者又

已前後逝矣孔懷一念尚緘之未通

而人忽易世卒未仲春一日余以訪

湯兵使舊寓不遇也偶憇道傍野亭

問之知中牟別館也徘徊良久不見

一人靜聽松風蕭山瑟以悲感交集

題二十字而行

重過譚吏部笠石黃雪山房十首有跋

何來一折山伸長浚園裏洞曲野雲留松

冥孤鶴起屏紆日觀峰鏡展天門水時有

遠風來庭坳黃雪委

把筆說題詩不知已七載依然山上松幾

許田成海鳥認客來曾大驚鬢鬢頗改咲看

梁甫巔猶有漢人壘

小閣起懸崖小池開絕密花間一徑深竹

外數峰出曲折幾重天漏穿半壁日思清

人不眠一夜聽瑤瑟

石根別鳴蟠林表危樓吐且曠復宜幽自

風還自雨隱花山客眠掠水天鷄舞一屬

樾陰中人間今又古四山客鹿也天鷄海鳥

四波抱簷迴三宮齊檻列亭多援竹成戶

自引藤結風磴委盤鱗  
雲崖立積鐵長看  
卯色天中舞鶴見雲五

地傳古治官人是今詞伯  
老友寄青松客

供煮白石驟風天正昏  
深酌晨隨夕醉賦

青桐葉題詩記逸跡六

七載一相逢一詩未脫  
棠行又七年篔

落心如擣撫事果何為  
相看人已老山松

與水竹頗益添幽好七

酈元注水經雅極孤山賞  
石暈古來煙崖

畱風後響平丘人到稀  
懸度我今上細步

訪遺踪悠悠千載想八  
水經注福萊蕪谷林蒼綿濛崖壁相望清風鳴條山壑俱響孤

山有石穴二昔人居處驟墨猶存穴口有平丘面山傍水徑危懸度譚即其上建山房也

高齋石穴巔下瞰汶陽渡  
魯道猶餘塵鐘

期不可遇山皆屋裏來  
水向松根住日暮

黃雲飛蕭蕭別谷封九  
鐘期高山流水皆泰山故事別谷在崑山谷

報書動隔年把臂憐同調  
幽夢結松風清

魂耿石嶠春來者又秋老去悲難以依舊  
一青袍慙被黃花咲十

萬曆己未夏五余有所疑去就不能  
自決過萊蕪譚笠石黃雪山房商心  
移日笠石出柿葉索題以裏懷不憚  
頰題去許以異日時兩人皆以縣令  
上計還過里也別之夕而余報稱支  
部譚亦舉擢南銓重散矣向逋大懸

未償又七年為天啓乙丑冬孟則余  
已解組山居三年矣譚適以請急歸  
時逆焰方熾橫士紳堅不右袒者人  
自危不保余復過笠石商心一日夜  
行笑業據鞍笠石出向柿葉持太白  
索前逋刻一杯盡書之不也不聽行  
余為草之強留一絕而別別後馬上  
有五言及律五轍未竟故不寄



今上庚午春則笠石人間意亦向闌有撫  
松盤桓之想矣復從便羽及之亦荏  
冉未即復又逾年於辛未夏杪因病  
得閒枕上淒然及過去事漫續前吟  
不覺盈什力疾書似回首乙丑冬孟  
恰又七春秋矣俛仰十四年間纔了  
一諾而乾坤已數易世人亦更壯而  
衰衰而老矣此生易邁有志難成大  
端此世已往之何為嘆來日之無  
必盡成虛秉燭晚矣不禁詠少陵  
尤載一相逢百年能幾何之句擲筆  
淚下

九日登龍門山天池寺有感明日初度

三首

是年夏秋淫雨三月九月  
八日初霽

底事經年漫自勞偷閒今日強登高僧  
人少堆紅葉岵樹霜遲隱碧桃五十六年

仙似客凡千八部海如張日斜更上峯頭  
望不盡當年賦興豪

黃花又見吐新英老去偏驚節物更正是  
庚寅吾以降况逢甲子雨初晴片雲潭底  
孤鴻影萬馬天邊落木聲慙媿山僧勤問  
訊茱萸曾賜一枝橫

櫻桃尋壑復經丘曲徑忻逢古寺幽手種  
小松密結子新題片碣已沉沉僧洽清供  
摘霜果客適困眠枕石頭懊恨一生無是  
處欲從大覺問三脩

靈巖寺僧見訪有感

靈巖奇絕地廿載憶重過忽又廿載往幽  
期奈老何主僧自遠至訪我沂之阿話舊  
如隔世菜不知誰何師名通寶月行色道  
三驟依稀弱冠事有似夢初叱官况潘安  
仁隱踪張志和羊腸休世路鵝腿尚詩魔

回首五十年悠悠一檀羅開想鐵袈裟新  
苔漫幾多舊題間灾石又矣得無磨千峰  
旋佛髮萬椽通雲和俯泉開淨土倚天起  
堵波不知荒亂後一切有無它因爾寄山  
靈為道長頻婆

頻婆華言和思

### 重過戴山古廟

適題此廟去不覺三十載廟已新復新人  
知改不改

昔去廟未脩今來廟已壞一咲我如空無  
成亦無壞  
別緒誰堪論殘碑與古石最足果幽期披  
榛出雙鹿

摩娑話老魏知頻換世不羨爾空山中無  
人隨意綠

### 重過龍山寺

不到龍山寺于今三十年廢興中幾易棟

宇又依依老相霜中待遊雲天外還殘僧  
驚鳥尚在猶話後三前

夜會湯學使平子鉅昧店

野館霜寒孤燭夜庭對微風亂葉下正是  
離愁欲斷竟忽怪雲中鏡吹喧漸近旌旄  
雲沈沈微明燈火月黃昏相逢驚喜前相  
持今夕何夕見兩思倒數一別十三秋兩  
地羊腸一色脩知君為我幾敝舌我亦為

君早白頭風雨蕭蕭之夜轉急山鬼吹燈倚  
柱立萬里誰知雙映心中霄三度聲如泣  
只今微雲一掃晴香箋日白風清天似水  
孤鳳翔然直上飛下視蒼天九萬里電掣  
霞散光滿天閃江照海盡成綺一鴈相失  
隨煙霧片影悄霜野暮天高重隔夜江  
雲月明獨宿寒山對羽毛慘澹散風沙飲  
啄艱難如鷄鶩此夜遇合殊不料未話掀

鬢一長咲過去縷一言不盡但沽村酒連  
呼醕稍醉瓊珊無不談小者內景大瞿曇  
雙眼乾坤一九九萬場今古兩三三總之  
跣跂聲聞果也是羯磨碎支函對拂青萍  
故態酣兩忘浮雲是北南小紙飛傳候吏  
還分付四牡且停驂頻為看月步前檐夜  
久征衣濕翠嵐

初冬沂山道中

初寒山色勝初春貪索幽芳忘若草蒼漠  
烟林雙宿鳥黃昏燈火獨行人曼容自免  
原非拙彭澤覺來底是真萬紫千紅搖落  
盡好者長在故吾身

過普照寺

三首寺在舊穆陵縣城內

古寺穆陵縣縣墟寺亦荒寺猶餘斷碣縣  
杳無遺墮栢前陰仍綠泉幽水益香草根  
殘碎瓦人說古僧房

參差亂石裏磨滅一碑孤縣已迷踪跡寺  
知定有無飲泉來獨鶴爭東闔雙懸惟有  
孤松影長存先大夫先大夫黃鵬此相也  
云每天清日美其  
影猶依見焉  
何年開化域此日見真如溪韻晴鐘濕山  
烟碧殿虛乾坤一大夢今古幾遽虛坐久  
霜風起滿山黃葉疎

晚至法雲寺

久慕法雲奇到寺已昏黑二水雙縈迴四  
山環偏側剎開雲外天松媚空中色孤僧  
引歸徑更指北山北

喜遊瑤池四絕

散步瑤池上水暖烟如織人影五雲中英  
蓉亂衫色  
當侍瑤池宴群仙到未齊水對兩三人間  
坐話天西

花徑迷深院竹溪隨曲房為有天仙至處  
處盡焚香

石上遇仙翁一尊萬翠中商量重遊日  
宜柿子紅

夢中吟

工六句夢作結句足成

殘臘風光暗入春杖藜隨意出柴門  
千山故繞林邊寺八水交紆谷口村  
相看舒靄榮柳眼與同浮白咲梅  
魂題詩未了人驚

夢金字西紅日已曛

宴弱城南石龍湫

二首

龍湫龍所窠水落龍宮敞  
杈柯兩岫石猶似龍偃仰  
倚杖看移時殷々霹靂響  
少小厭經過怪奇却未睹  
尋春偶然來適倦忽驚日  
羨殺半崖裏自在眠孤鹿

望布穀村

二首

比不行此路忽已四十載  
古木昔未栽新

詞今已廢不知當時人于今復誰在  
結髮曾遊處今來髮如雪漫漫一生事  
涼不堪說願得山川癡無情話離別

書與論秀諸士

身重初論秀煒若春花綻寒蕪乍向  
綠初着苦灼灼蒙嚴霜間能令觀者羨四時  
境尚餘萬里途方漫既愁雨中飄復畏風  
中戰赤日奈塵氛朔寒或霜霰或便結朱

實蛇卵稱霞燦薦新入高門列鼎登華宴  
或冷怨秋江或晚傷野蕘長門曉月孤巫  
峽歸雲斷回首含萼時付百復千萬何以  
轉天工長奉明光殿勉之及艷陽洗培未  
宜嬾

雲黃集卷之二十五終





萬轉天涯髮盡宣  
故園雙栢尚依然  
不知漫緣何事  
負爾清陰四十年

三一山小築

不密不深懲往錯  
窮山窟水定新家  
因崖拓室成差易  
勿結草為門費不賒  
夜渴新茶煎石乳  
朝饑清供煮藤花  
陽坡喜有如箕地  
閒步商量好種瓜

夜坐

掃石開窗酌使靈  
暖剝霞長茶香連竹  
藹燈焰拂松花  
谷靜風偏響  
山穉月屢遮  
似驚俗客入  
飛起封樓鴉

喜中句

萬仞樓頭廣殿開  
倚風獨上久徘徊  
細筆搖遠岫  
雲端出字轉飛  
河天上來

山月有跋

山月吐山岑  
山高月明小  
隱見峯巖間出

入蒙朧杪似於丹桂上別插叢枝梟破鏡  
盤雙鹿看兔撲孤鳥不知幾萬文秋高  
可了漏穿珠密懸影動玉忽抱幽人清不  
寐倚對看將曉稍覺荷衣重幽露滴  
草

夜奕倦偶出豹隱山齋見適望之月  
纔吐山椒為高下亂峰所蔽虧時隱  
時見時半隱半見忽如鈎忽如鏡無  
關雲霧晦魄而月不能有其圓矣山  
頭雜對蒲葦歷々月中枝葉可數仰  
睇良久似與桂影盪磨不分也居讀

山高月小之句意不甚解倚對飽玩  
口占偶同真境所會無以易之方知  
玉局之趣即所云以月屬山間者何  
地無月不於此中細看斟酌不知異  
地之月不及山間也名利中人一生

虛度即玉局以段文字無人不讀還  
許人解得否

三一館新成

一室水交嶺盡頭三山景色始全收  
層疊出參天筆曲雙迴雁月鈞隨意綠紅  
舖醉錦滾空氣翠生結飛樓好風偏與人相  
會一派清竿動碧油

邯鄲才人嫁為廝養卒婦綠葉成

陰子滿枝矣行李重來遂作東道攀  
輿遠將依不別宛有天涯骨肉之  
意迫暮却去重念孤幼頓回首目之不  
勝今往之感凄然賦此用續前章俛  
仰二十八年懷曷可盡六首

從來故劍最關情別後回頭倒送行不那  
回頭回不得回頭萬恨一齊生  
莫懊花殘葉有陰陰成子繁倍憐人紅珠

試看孫枝日玉蕊何爭上苑春  
當年風雨下瀟湘歲晚何知拾斷香  
幽雲不欲隨流水仙果終還落上陽  
雨散雲飛三十秋乾坤幾度換浮漚  
那知墜葉紅塵裏更結佳陰紫陌頭  
邂逅天涯客見家不知今日是天涯  
揚州應悔十年夢子滿枝時更勝花  
老去當年壯志孤相看不忍髻如茶  
休尋

故物今何在除却青山一事無

前詩有昔來故物近如何之句

小樓午睡二首

不解身何住環觀邈若空  
雲峰生足底斜影落天中  
石鏡烟開月巖泉日抱虹  
向人無俗物吹面入新風

溪回柳曲晴陰羨花亞  
藤床午夢芬動地江潮風作雨  
騰天海馬石生雲篆烟如縷  
縈欄度蟬韻和鐘隔水聞  
永日無人誰共

此闌塔時有鹿成群

雨望

極目碧濛濛  
萬家元氣中  
鴉棲非以夜  
花颺不因風  
對織銀絲亂  
山衣玉竹籠  
小樓斟斗酒  
細與雪兒同

李召寺借僧房午睡是先大夫蚤年

讀書處二首有跋

野店水西寺  
維桑憶舊因  
山猿朝獻果  
仙

女夜窺人槐  
植龍鱗老壁  
題鳳翥新依  
稀

殘亭裏一見  
影堂身

當年逝世務  
一榻此庵中  
辟鬼銷乾卦  
看

門借大空永  
朝雙對碧深  
夜一燈紅猶  
有

遺真在颺松  
下風

先大夫蚤年  
讀書此寺攻  
苦

較淡朝一溢  
夕一溢多不  
能給

恒啣吾至兩  
夜不休一夕  
忽有

聲如風雨漸近門扇未動也  
睹美女在前數別坐宴坐久之  
顧眄流光先大夫名弗覲也  
吾自名適誦詩及考槃章至  
朱傳不以此樂告人也其女忽  
不見高齊權會深於易嘗乘  
驢夜歸忽有二人持其驢前後  
之漸不由本道會恠其非生人  
誦易上篇未盡其人遂不見此  
以易辟鬼也先大夫乃以詩辟鬼  
事正相類又寺僧養一王孫狀猶  
菴李供人

偶出二首

老去名心息田居野性宜  
露車朝省稼幽石午圍棋  
對石留陰住雲為閣雨遲人  
歸月正上晚酌趁花移

步壑穿林一任真見人忘未着衣巾雙鳩  
亦認非機客自在飛來不避人

小樓

小樓憑岫結高楊臨雨臨烟六月涼午睡  
覺來簾乍卷天風吹入棟花香

六月初八日遊蔣峪荷池

日媚風嬌雨乍晴澄波短棹鏡中行荷花  
色映嫩綠色石澗聲依度曲聲金轡光排

青玉戟穆陵香滴翠雲屏秦皇漢武雄風

在極目悠悠萬古

情穆陵有長城故跡漢武曾至沂山下

葡萄架暗槐龍黑初霽風新涼側：萬竿

竹靄拂茶烟十里荷花映山色主人一年

始一來折竹折花佐一杯恨於佳處不能

遍指點中營領要臺

夢趙季卿宗伯

別凡七年来夢凡三度矣初夢綠花畦轉



入禪房裏晤兄如平生語多適然喜再夢  
偕劉生謁兄白玉尺相望未及言中覺猶  
帳欵今夜秋初涼日高睡未起恍惚夢覺  
間與兄悲叱幾握手初長嘆重各話心始  
我謂兄科名台鼎所固有駕浪復乘風萬  
里一日耳兄謂我異人如岱復如海無武  
與無文一切未足擬邈矣伊呂還細想誰  
堪比直上巳干雲堯舜親見矣那堪世路  
長取激非絲已兄禍嫁馮亭始終皆無以  
小敵自護前障天忽角掎雖已貴寅清如  
錦函未啓我誤緣急病鳴轂以為耻義激  
不顧身雨夜渡遼水司計不與兵如韉維  
駮駟傍見聞計非指次每流涕刻徑亦刻  
期一一如畫米廣武漫用謀成安乃用死  
壽中三十年有論罵衍祀老姦適領事池  
魚橫見澆黑白旋亦剖泣玉連柱史能於

明

席口中奪金百萬紀亟起勸清忠幾度微  
飲巖學雉尾須友我更堅招以任舟子此  
皆君所知幾載同依止記否三日夜一尊  
魚合淡倡詡河上曲醉醒水中泚正在手  
書來趣余成逸史其明以書往報兄仙去  
矣文成兄不見如語方未已徬徨無處追  
尋叫空徒倚復善不忍救命焚之靈几及  
此忽失聲兩淚下如洗侍兒遽驚呼顧兄  
不見矣少間復朦朧視兄淚猶泚復理前  
未了謂余可以起方今 陛下聖人間  
雨乍啓余謝曰誠然 詔起固已久

新皇即位初側席思共理平臺詔公卿兵食  
其大抵疇堪佐中興除堯而雪耻樞臣以  
國對偕臣獻臣榮

皇帝曰欽哉趣庸若予采兩人應時出旄鉞

逐雙峙顧此傷兮翻誓墓墨猶澁冥飛恐  
未高肯復就籬籬以此與世辭天外視塵  
滓不圖王霸略如斯而已矣及此又兩慟  
把衣久嗟唏已兄復易容慰余曰未止尚  
有大因緣浩渺茲方始試數古聖人遇不  
遇一耳遇則為周公不遇則孔子從此三  
十年雅頌其得所別魂遽黯然冉猶作  
猶去後又相聞小憩古祠址為我草長箋  
人長者兩紙遺僕留為別乍展光碧紫盤  
攫如龍爭怒張如帟詭飛舞如花狂縹緲  
如烟霄道是生前時所長頗在此曾詩書  
一屏張君重黃趾方謂日月長未及了茲  
委不意遽存聲其懸猶每遺此表相思  
與兄長絕矣聽言悲不勝索錢賞其使呼  
車急追送開眼日已已驚悲久不定耿  
竟飛止泚筆急書之奇事有如此世已隔

幽明諾不岐生死

午晴小出憇飲回家

久雨晴難得山家一快遊  
雜花殷欲暮古  
對澹明秋溪滿鱸新網  
黍登釀可爲相逢  
且飽醉莫作杞人憂

是時方有登賊之警  
人心匈々荷檐  
而立

獨夜

獨夜小樓上孤燈照微雨  
有懷坐惺々竹  
葉向人舞

三一山別墅

逕轉三山口斗然與世隔  
風清日若香人  
靜石偏白重掩屏千疊  
別開天一隙撲人  
來夕暉滿袖空青積

一徑晞長雲四山開  
大宅飛花撲面紅  
流翠霏衣碧入耳  
無人聲經行有鹿跡  
仙窀

滿路香凭軒時自摘

九日

其明日為余懸弧之辰

去年此日天池寺臨山臨水引興豪今年  
此日家樓上嫌雲嫌雨嬾登高應時三徑  
方開菊稱壽初筵已進爽慙過知非又七  
載忘非空復泛香醪

十月十九日夜初雪

薄暮新歸送別一年此夜初雪雪花月影  
朦朧小閣深屏鏡中甕頭清醞新篋霜著  
粗羅庶羞妻兒小酌圍鑪半醒半醉呼鳴  
左右毒花兩對爭春不知秋去沁香吸艷  
自迷彩雲漠漠東西不覺窓紅日弄笑共  
搔枝說夢

送劉廣文之營陵

借馬營陵去營陵賊衝也人遊馬亦盡向  
誰更借馬

踏雪首陽下風清日將夕何處問生涯滿

山柿葉積

營陵有首陽山祀伯夷

覺衰

還思援席穴稍已恨龍鍾衰意眼先覺壯  
心髮不從幾車書未讀滿眼塞多烽不盡  
古今意扶人話老農

雪夜

風雪淒其夜酒棋跌宕中茶烟含竹綠爐  
火艷梅紅小閣人寒隔包紉婦子同一杯  
勞大覘相看喜皆翁

美睡

半夜風驕雪壯天搖海立互盪幽人適醉  
貪眠不問黃烟白浪一任為魚為鳥幾年  
而將而相休々樹々于々忘是人間天上

除夕

暮色漸蕭々一年去不饒周章迎蚤夜鄰

重送殘宵軟飯炊香絲奇鮮繪野鷓雉堪  
一飽醉不怕悞晨朝

雲黃集卷之二十六終

雲黃集卷二十七

穆陵傅國鼎卿著

詩

癸酉

春仲同王滯如太僕李二水叅知朱純

吾明府集王見心都尉如水野亭

喜聞官軍復登口號

數載相逢此一夕對酒不喫奕不奕愁說

雲黃集 卷之二十七 詩  
海氛尚未銷破碎山光傷心碧忽驚一騎  
疾如鳥傳道東州收復了問之昨夜發蓬  
萊手捧捷書慰

聖懷拍馬已遠語未終似說都堂朱之功每  
笑此賊發吳川渠醜數來不半千一路聞  
風皆膽破破城如縞箭飛過酣酒飽色白  
晝眠官軍遙指無能那公然鏡吹過青萊  
城外血流城不開登州開城佯出戰城門

牛酒已開宴從茲賊焰如火烈萬里金甌  
千里缺海鯨倒捲星河奔天塹翻成豺虎  
穴生靈盡歸屠口肉忠貞半積井中血轉  
戰破黃復困萊遍掘人家揚其灰繚城四  
面穿長塹孤城八月咽喉斷兩撫一守死  
城下城危一髮懸千礮環萊積骨如積雪  
邊萊以西行人絕青濟一帶爭雲散牽爺  
負子哭聲咽我軍徘徊灘水上猶持勦撫



互相仗輦糧載草爛成土嚙云不敢面東  
向可憐民脂枉然畢生者翻羨死者逸我  
皇赫斯按劍怒

勅使如星催東渡廷議群推朱中丞今之伯  
安古裴度中丞仗鉞下膠瀰誓不滅賊如  
此水夜集四鎮禡大特先者殊旌後者死  
曉發沙河暮萊城天清野曠風雨聲追奔  
直至玉皇東五十里內僵屍橫八月危城

如嘉慶開城半死猶半生中丞令速如飛  
電乘勝三捷收黃縣我兵如鏃賊如草飛  
騎蹴踏逆賊腦破竹殘魂走入登益運神  
術窮九攻雲樓直上接青銅下看遊魚沸  
釜中五渠一半糜而矢兩城三日碎雷轟  
孔賊不知生死處我軍但聞笳鼓清三載  
烟塵一劍掃五月成功古來少歸鴻四集  
如鳥藻行塵却暗萊登道酒帘遍插天橋

路漁舟直斥沙門島春農又望杏花枝綠  
雲紅雨映旋師

社稷新數

中興日宇宙重看再造時不覺相顧喜動色

把酒狂歌帽傾側我歌且書謂李王李也

伸紙王和墨只今西愁秦晉東愁奴夏滄

每恨

聖主孤諸公率失心計踈謀深不錯如朱都

借之蕩平寧足圖於戲蕩平從此不足圖

夜闌痛飲酒盡沽為語撿拾殘燄感更休動

不見海邊孔李血模糊

聚遠齋曉睡初覺拓窓東望

春喜初驚野寺鐘捲簾卧數翠蒼蒼重村煙

淡抹淡々對溪靄微分淺々峯層捧絳旗

雲駭馬漸開金鏡日飛龍擁衾自笑朝慵

起如此何堪學老農

野雲館

別館經年鎖偶來過雨時花鬢翻露葉松  
蔓罨風枝踏草間偏綠巢禽靜任葦賞幽  
屢散步不覺遂成詩

新城道中懷王季木

有跋

重過桓臺路傷心淚屢揮春來村對合亂  
後土人稀舊徑荒頻失新烏多且肥萬松  
憑故跡盡日不能歸

新城以登賊之亂城覆死者相枕季  
木之族幾盡獨季木僅以身免耳亂  
甫定又化去萬松亭相與共酌訂詩  
移日處也

以會湯平子學使出沂山谷入鉅昧道  
中有感 二首

萬轉層山一徑孤山村無處酒堪沽廿年  
空谷逢兄弟一晌天涯聚紀吳險路携予

俱允折明盟壇輸爾擅三都儀形尚想年來

舊髯戟新添雪刺無

臨胸故紀邪地

殘日依微水對西征途孟夏亦淒<sub>一</sub>堪憐

暮景如人老狂喜哉明當曉隣孤旅思君

盃共把前期何日手重携預愁別後無真

賞賦羅翻嫌實近覽

奉和山東左丞陳公幼白恭承

召對

有引

辛未正月二十三日來辭既有

詔十三省監司入對

文華殿山東左丞陳公幼白與焉時公方

以旬宣課最

上尤切倚注詢兵食要務吏民諸隱甚悉

公退而賦四律紀盛不彼落莫見示

草野倚韻奉和用當擊轅四首

代天長懼地天工親集龍旂問國風十二

山川迴掌次七千侯甸劇躬逢龍鱗雲繞  
香烟紫雉尾天開 日表紅早晚東西齊  
送喜準摹江漢頌元功

自是天工賽化工一言萬國盡春風若存  
劉宴勤堪錄應念馮唐老未逢幾為軍儲  
頭盡白叨稱表率面添紅 中興從此年  
新數麟閣誰推第一功

風運未奇郢匠工輦輪驪駕劇雷風對龍  
堪羨韓承召射馬無如廣不逢可念九花  
蓋汗白進銷三路燧烟紅鄭侯莫道專漕  
輓追轉無雙是首功

五鳳樓成勞國工道襄龍席是雲風四千  
運復唐虞際十三人親充舜逢龍角空乘  
牛氣紫狼鬚前剪淨稻花紅野人重續歸鴻  
雅曰有甸宣召伯功

雨後過松雲館

徑荒松蓋好靜鎖一庭幽新雨堆黃雪初  
晴沐碧油濃陰午已夕涼色夏先秋更是  
香風細無人韻自流

月夜出龍山澗道遲湯平子學使鉅

昧野次

澗道稱幽情沿溪縱復橫天繞雨過洗月  
向夜深明露滴雲香濕風來水氣清會心  
誰最是一鳥對巔鳴

喜平子夜至

我為候君來出谷兩日行君為趁我約強  
兼半日程游服撥野月班草酌清景水木  
聊共港旄仗且皆屏借問貴賤分如君交  
情幾古有暮武侯今有湯平子

夜別湯平子鉅昧旅舍十首

鉅昧乃  
取弁破

張步  
處

此心言不盡累此青霄節且傳四牡車相

携步明月命酌無醉醒月落以為別  
君不知乘輅我不知戴笠把臂貪論文語  
闌道未揖初杯期月落不覺已出日  
徹夜不遑倦千秋此一夕家釀携沉雲山  
蕪煮嶼石雨意同醉翁相視忘不喫  
雲將與鴻濛竭來一夜中心談俱未有兩  
卷小檀弓晨風各飄然一片花茸茸  
茂陵跡已往而我偶然來對此開關水益

暢古今懷欲話相思處好記是雲臺  
前剪燭語向酣不記人主客酒斟亂無巡吏  
睡半相藉出視夜如何前溪水雲白  
月落班馬鳴相顧動別色當言全未言缺  
言已還默但道再一觴明日何可得  
執手不能分且立門中壁欲更一日留無  
柰王程逼山館亦愴然滿庭槐露滴  
廿載此相逢後會更何處我髮已盡華子

鬢頰亦微素惆悵曙燈青又各東西去  
語別燭影中竟夜夢相似夜闌人亦分覺  
來若個是誰知原未別天青月在水

雨過

雨過烟殘晚翠濛忽來返照一燈紅半天  
歸鳥孤雲外萬對行人暝色中

初秋

靜裏聞啼鴉忽驚歲過中樹猶今日綠花  
復幾時紅豆葉翻淒日稻香藹緒風獨憐  
朱實粲好醉紫芝翁

小樓秋夜

溪谷清秋夜小樓古木中開門延野月  
變聽溪風警露鶴移對悲霜雁話空不眠  
搔短髮羞對燭花紅

不眠

不眠永夜屢徬徨重執寒爐燼浚香萬壑



雲黃集 卷之二十七 詩  
秋聲搔靜枕一樓月色洗凡腸覺來世變  
齊三語夢裏塵踪憶十霜更想明朝多樂  
事粘天如錦柿林黃

多種樗樗言樗也樗多枯樗言不  
花樣時情日異耽萬花賞遍及優曇厭遊  
此界一千八轉向別峰五十三蜀錦越羅嫌  
粉黠夏敷周鼎愛金盃囑兒好作明年計  
多種樗椒餒野蠶

南亭

南亭久不到偶到意備然紅葉堆幽石黃  
花覆靜泉林踈鴻影落山瘦翠峰寒轉覺  
悲秋者未知此趣玄

秋夜懷湯平子

秋聲陣陣颭窻筠搖落忽驚換歲頻覆首  
獨聽蕭蕭夜雨話心正憶前剪燈人片雲天  
外十年事萬對山中一葉身當日勝遊還

入夢幾時重醉玉河春

戲足兒句

晚夏偶携九歲兒日昃山遊喜其有

半岵黃葉老滿谷紫花香之句足之

避暑投山隱山深夏亦涼半岵黃葉老滿

谷紫花香風瀑飄書帶雲峯架筆床不愁

野供盡自有禹餘糧

雲黃集卷二十七

終

雲黃集卷二十八

穆陵傅國鼎卿著

詩

甲戌

竹隱亭

就壑開新墅鑿岵起小亭松間暗雪白竹

外午煙青傍水石偏媚無人草自馨柴門

省不設當面萬山扁

夢中懷熊雨亭中丞 有引

夢熊書寄余大畧謂向任中州某地  
名守相者今遷陝西西塞外某橋益  
遠別天外欲得余雲黃集一部於道  
中讀之即如與余長相晤語也余夢  
中苦集無錄本即多人急錄亦遲旬  
月不能及恐負其遠意又重感其相念  
切至欲草一羽寄之庶如身往者意

展轉悲懷謂兩人各遠在千里外乃  
雙情交映如此誼真無愧古人然相  
把握則不可期洒涕久之傍觀者皆  
為悲叱余含淚成二絕云 尚不知  
熊之辭人世久也至一封書上淚雙  
行失聲而覺始憶熊千古矣匪但久  
要不忘良生死不相背負也又復成  
二絕云

一別廿年萬事非猶憑鴻羽淚堪揮那堪  
天外更天外淚洒孤鴻何處飛

君思伴我覓雲黃我為伴君寄短章西出

陽關相見處一封書上淚雙行

右夢中

夢裏書來別墨新只愁天遠會無因誰知  
墓木已將拱猶自飛魂候故人

雲泥相急年來意生死猶關天上魂醒來

重洒南雲淚何日臨江馮一尊

右覺後

夢王見心都尉見過王草草欲別去

夢中亦知其夢也留之云老境兄弟

無多又恨天各不能常相見寫心

徒積恫幸得從夢中晤語亦是一

快何又遽別去耶遂寤詩以喻懷

兄弟四十年相見曾無幾每恨世務牽

迫無剗畧不覺俱垂白後會更難每幾

十日會君家長松裏極話生平心事相

舉似雙擊唾壺缺亂指浮雲起無如道阻  
修徒有此心耳何幸夢魂中見狂湘江水  
齊州與古莽真妄定誰是風塵來不易時  
吸去何駛好念常時思且共片時喜少留  
待花開黃、復紫、忽忽一鶴飛視之不  
見已回身但牀褥悵悵淚如洗應被夜枕  
唾夢覺之夢矣

雨晴

無論人間事天時亦互平入春常苦雨乍  
霽又驚寒草喜穿冰上花憐帶雪着晚來  
差可意三六月猶團

夢過王中丞成五聲耳相聞矣邊寤眼

未及一面也悵然久之寫懷乎詞

通許人

相依四載中天際得兄弟相別廿載來兄  
弟天之際三年遣兩僕一函動萬字雲山

空渡修肝膈無不至巋然灑瀕堆大江中  
孤峙一任浪湧天無所關吾事萬長渡萬  
消不動亦不躡澹々天空雲雲盡天還翠  
兩人隱見分不分者此意取々雙映心廿  
載如一日獨恨隔形容鬱懷未一醉當時  
黑漆鬚于今知白未當時紫石面于今知  
皺未以茲每卧想一夕魂九逝娟々天西  
月閃映雲松齋小樓風雨中臨明美一睡  
不覺過黃河傳呼出舊治下車入君門喜  
得話相思舊僕爭歡傳往日青天至左右  
顧吏人懊未携名刺登堂僥仰間忽傳君  
已出如渴已及泉如饑已當饋暗藹蘭花  
香麝已流人袂啼鳥巧妬人一聲窓外劇  
翻身急向君忽覺在床第廿載一重過奇  
歡淚不既纔隔寸屏間又已千里外清光  
竟恍惚餘芬猶惹憑似是平生魂相尋瀕

相值恨也半道醒徒有相逢意有如望瓊  
枝未得啜其味又如初分手回顧猶如對  
徬徨柰不及一枕流清淚續夢更強眠魂  
酸漫不寐遠道各暮年知否重相會書此  
付東風殷勤為西吹

哭惠姪三十七首

同夢三更夜捧心偶去子那知遂永別追  
話摠憑虛從此長休矣憑誰更掌書竟容

不了恨百計未能拚

作伴十年久長辭一語無相看猶思淚已

絕更強蘇輕逐曉風逝清餘夜月孤慟無

不自覺白盡兩腮鬚

如絕以中元食時暮遂與秋嘗位矣  
又如絕後余方及臨視如猶為強一瞪目云

晝忙猶可恩清夜最難堪眼老讀原怯竟

驚喜不甘中宵起坐數偶嚙笑啼暗

於含切

強忍無聊意默叅五十三

長恨無憑塞尋僧設醮壇臺塵爾早覺迷

境我猶歛

音響詞迷

錯喜花堪撲其如雨

已闌總然生極樂何似此生歡

人力難回處佛其柰若何重圓須再世得

度竟三摩見總惟中幻聞更海上訖依稀

如可接窓竹動金波

盡歛遺衣物陳之總帳前輕裾飄自動遺

挂裊初懸沐櫛澤新也盃卮水澹然錯驚

人語笑猶在室西偏

不信相從久專房如許貧匣藏無齒篔簹

掛有穿巾一鏡青錢大雙釵黃錫真苦辛

吾共樂悔我負夫人

篔簹同見韻譜

又是中秋夜照人孤月圓嫦娥悲不語少

女韻偏玄誰勸一杯酒難成獨夜眠時驚

落木下猶似翠花鈿

孤懷耿不寐竟夜禮空王看月東西影指

星高下芒清齋身澡露秘禱手拈香恠殺



今秋夜如何幾倍長

小閣晚憑欄春風處  
殘不堪雙鳥隻倍  
覺複衾單簾捲秋螢  
曙枕虛夜雨寒依微  
人入夢中斷不成歡

為爾定幽宅徧窮千萬山  
正逢秋色好到處錦雲  
殷紅葉傷心麗黃雲  
洒淚班同居期百歲  
斟酌幾重關

憶爾早相從艱危萬死中  
扼河虜夾擊失道驛  
難通得救康觀容全  
生李總戎那知歡樂  
日長別更怱怱

憶爾獨歸日戎裝出廣城  
期余須勇退休再請  
長纓一騎更關塞千  
重度甲兵誰知人懷  
璧雲遮月孤明

憶余千里來見爾笑顏  
開患難無夷狄如湯  
澆雪堆長傳五夜月  
不謙元秋梅今日清  
遊厭為誰促駕迴

憶余遊賞暮及爾夜中  
棊前剪燭還爭道添  
香竊暗思佯輸解玉珥  
乘勝勸金卮殘局  
空依約有情復對誰

憶吾時有興無可寄  
超然呼爾同斟酌局  
棋寫地天靜聲明月  
裏默語落花前時復  
問龍女綠雲若箇邊

憶余偶不憚無可寄  
孤踪與爾搜天海閒  
愁託守攻殘燈風雨  
夜灰橋去聲火雪梅

冬窸窣今誰語霜孤  
明月峰

明月峯沂山別峯之一

憶爾司書閣隱心恰  
我同手齊三萬治影

刺五千工

臨取松雪書道德經成帙

有作收囊裏無人

覺枕中子令亡一臂  
亂簡任恣風

憶爾朝司膳會予清  
淨心藕絲清削玉齒

藥縷煎金佐茗儲紅  
果俯觴蘆紫參祇令

愁下筍清淚落孤斟

憶爾宵司寢小樓獨  
夜中松梢共月白雪

半對爐紅候被時加減聽窓話兩風只今  
誰獨旦天外送孤鴻

慟爾幽懷惡辭枝一葉自北風魂度燕西

日日穿秦姪本秦人居燕父千里懸孤跡

六親無一人猶聞臨絕淚叫母下霏茵

傷爾同辛苦空經十六年衾裯長獨夜璋

瓦竟雙懸孤墓誰飛蝶香魂自化鴉幾回

傷往事明月釣寒烟

慟爾修清約家風白首高單忍饑慙不肉節

歸暗知蟻日死了三山情痴漫空落菴不知

空釀家幸苦苦之筆此詩其病劇

為一兩無家寄遺思一婢孤足於口者竟

心之靈十死此無中有其苦者竟無只一

書問以開話喚王姑此詩其病劇

悔一儼依然去入嘗中伏中木賦就柳白衣

木即舊羅紅合貝辰猶吐封書日未終至

今悲草、紙、轎、不堪、風

是年閏八月故七月望猶在中伏榆

傷爾留其跡書灰滿殞宮銀鈎懸王筋飛  
雪舞迴風井廿依稀處雲花繚繞中看來  
暈不解留待問仙翁

陰陽家有死後出神之說俗以其時  
飾灰其絕處驗跡余始不信聽家人  
如法為之而手封閉其戶其明日開

視則三間之室盡書也書或類垂食  
葉或類蛇鬮草或類懸針或類倒蓬  
類蓮花類玉筋明以釵畫地跡甚動  
然筆勢奇妙繚繞不能得起斷處唯  
井廿字稍可解餘皆不識鬼書耶  
天篆耶誰言鬼神虛無者耶此明  
著跡是誰為之視崆峒之妻結腸作  
井更是無中之有恠中之雅

慟爾時深夜飛魂歷舊遊似開金鎖動仍  
帙玉籤休窸窣衣聲落輕盈蹀躞浮猶知  
偏避我不近舊書樓

慟爾傳幽信崔君野廟中紫帷新竹轎赤  
脚老家僮封跡還仍故開符轉乞翁依然  
用我法追喚又成空

姪之逝也遽諸無預者畱語乞代步  
絕後窀穸始白之急粘紙約葦為之

興焚之然手緘其弟未啓也又數日  
一兩所親之妻暴絕云於崔府君祠中  
見之姪尚兀坐輿中囑其人云家僮  
須主人翁手符方為發封乞為白翁  
遣符饑不可忍其家僮故余督稼者  
死三年矣亦云足無履乞為轉語其  
妻為寄履其人蘇語其天白余余異  
之為發手符啓封然追令復還即不

應矣

慟爾殘棋在使吾意久難竟焚憐手跡瞥  
見苦心酸楚漢當年壘乾坤異日觀萬緣  
無不爾搔首裂腸寒

慟爾遺筐苦宮雜碗

一惟切剪  
截餘帛

與剝縉玉

纖猶有跡香汗尚無塵封爾巫雲側是吾  
丹筆新語卿珍別意好作再來因

爾生辰析木日出正身宮二德清臨月三

星滿聚風席行宜種桂龍宿况蟠熊薄命

翻如此無微笑李中

如生子月壬  
日刻正寅

爾病胎風久廿年渾不知偶嘔多勿藥示

疾竟成疑適命巫醫雜翻催形氣離始思

古語驗不治得中醫

也解浮屠妄聊將妄塞悲延僧束復日薦

爾往生期遙數十三載應儼二七時人天

竟漫果否有誰知

苦覓返魂術天涯與海濱  
李惟虛自望許  
淚竟無真香祝西天  
豆家慙北海人  
殷勤  
留故襖蝶族藕花新

昔聞情感事偏不驗於今棄事長馳想  
儼眠屢空尋幾會留玉盃何處覓銀簪  
那得虛無裏猶歌淺低唱淺斟蘇東坡

為爾計終古無如問鶴飛三千羅帶合十  
二錦屏圍孤月停長滿香雲鬱自霏  
娥

眉含碧暈千載見清暉  
總使百年滿亦猶一咲頃爾雖亦載未却  
剩萬春名石鏡留香骨日光寫月清伴吾  
天後住不說董雙成

王姬神草行

七言

陰雲靜夜幽宮閉  
窓牖重封壁無際  
隔院微聞金鑰聲  
似倒新裳風中曳  
明日開封忍淚看  
庶見所思後身事  
恠來不物亦不

人滿地草書千萬字勁如玉筋卓空懸圓  
如藤絲繞對絡轉如盤龍戲翻雲矯如翔  
鴻乍驚繳孤如香烟檻外飄亂如天花風  
裏落密如露浥薤葉重踈如水牽荇帶弱  
又如枯松掛絕岸隴、鵲巢松梢見又如  
雙蛇鬪溪草悲風颯、來秋昊又如飛馬  
舞輕刀廣陵天湧八月濤又如神劍一敵  
萬軍電旌迴千山遠畫跡明、釵作筆起  
斷無痕不可識萬朵蓮般湖水藍一天雨  
潑楓林黑百體之中有鬼書今君此書無  
乃是千古眼中渾未曾張顛錢狂不子耳  
愛玩依、把玉纖如并如廿意何古何得  
如花一握中一畫數文萬畫無文念香蕊  
百想集惚恍幽魂倚壁立分明對面不能  
通淚洒灰蹤紅雪濕

王姬神草事已具蘭露近體中然其



奇恠忽荒長濶數文許萬字一字一  
字萬字不可名狀之妙非短篇所  
能盡又非人力所能影攝惜其與  
冷風俱滅也故又寫之長歌傳其  
筆意

### 瘞鑑玄

念爾雖微物伴我今六年晝共我案食夜  
共我衾眠雖不交一語相視兩依然我遇

爾暫遊寢食憺無歡爾遇我外來顧我啼  
躡燕時復當無况為爾一加餐飼爾朝夕  
肉日費不論錢撫爾毳如漆光如秋水鮮  
號爾玄霜子字爾曰鑑玄與爾王主母實  
稱二友烏自王長別後賴爾我周旋爾忽  
又病瘦百計圖爾痊問巫巫不解問醫醫  
無傳爾魚復爾雀鷄脰與猪肝爾肉不能  
進進爾粥與餹爾粥復不進稍飲唯清泉

清飲復五日隔皮骨珊、似盪腥滓腸好  
作清虛仙茶然息微屬鳴聲如管絃我為  
爾相埋去爾一晌間爾忽見我入長鳴急  
且連如泣復如訴意作死別酸猶牽我共  
卧入懷屢嬰跚以首加我股以爪攀我看  
相偎猶竟夜戀、復拳、厥明我抱爾微  
步下闌干囑爾慎勿去供我悲中歡王姬  
已不顧使我衾枕單爾今如再往我以何

自寬爾忽張口爪示不能復延臨絕猶我  
顧如碧雙眼翻天地亦有終萬物無不然  
陷塵與水沫聚散各隨緣同是風飄雪或  
下或高山偶然情所寄何物亦何人通彼  
帷蓋例寓吾簪履恩為爾砌石柳山坳  
水之濱烏龍蟠雪洞萬古應長新久念無爾虞  
且復傷爾寒衣爾三尺幅厚之以新綿祝  
爾好再來了此未了因王姬前侍我昔書

平子篇王也勞帝筆至忘食與簪爾時汗  
墨跡誤點席爪文屬復輟他務此後遂經  
年以此當王疾未得把涼溫亦謂偶一病  
永日旭初曠不意遂溘爾永懷竟長吞故  
為作佛事廣延水陸禪梵唄三晝夜薦往  
四九天復為卜佳城遍窮千萬山作計永香  
骨與我共萬年爾今遊冥漠想遇王之魂  
好將哀以意寄與意中人為報爾絕時

湯傳書始竣

又夢王中丞有跋

往別殊忽遽今來判久留况逢天驟雨恰  
遇酒新芻棋理廿年局墅分十日遊話未  
勤把臂從此永千秋

夢過通許飲王成五別墅恨往別草  
草欲徧遊其他墅之未曾曾遊者適  
天驟雨兩人喜甚方相對理二十

年殘棄未終局遽寤

送李廣文先生之靈山學署

李金鄉人邑周

中丞郭孝廉兩人皆余故人

傳經東泰下時登東泰上問携何物歸清

風自百丈

百丈崖東泰第一奇境

君有神仙骨清涼洞裏家為問瀛洲跡一

過萬里沙

清涼洞金鄉地萬里沙往靈山過處

遊即借馬出倦即浩然耳借問今公卿

幾人得如此

君家周與郭偏知任隱味君也兩通之仕

隱摠一味

周任至大中丞論戊事雲程以孝廉終未仕

<p>...</p>	<p>...</p>
<p>...</p>	<p>...</p>
<p>...</p>	<p>...</p>
<p>...</p>	<p>...</p>
<p>...</p>	<p>...</p>



